

16 Oktober 2015

*My gebed aan al die lesers vir die laaste kwartaal van 2015...*



## 1. GEMEENTES BIED AAN:

**BASAAR BY DIE KLIPKERK:** Die NG Gemeente Bloemfontein-Noord se jaarlikse basaar vind komende **Vrydag 16 Oktober 2015 vanaf 16:00 tot 21:00** op hul terrein plaas. Gaan ondersteun hulle gerus en koop sommer jou aandete daar. Heerlike kerrie en rys, sosaties, worsbroodjies, hamburgers met “steers chips”, potjiekos, ‘n wynproe, lekker pannekoek, asook poeding gaan beskikbaar wees om te koop en te geniet. Kom drink tee of koffie by die teetuin terwyl jy na die Vrystaatse Boeremusiekgilde kan luister. Vir die kinders is daar ook baie vermaak en die manne kan kom kyk na ‘n motoruitstalling, waaronder ook die nuwe Honda CRV te sien sal wees.



**NG MARQUARD SE SONG OF PRAISE:** Hierdie musiekgeleentheid met wonderlike kerssang- en musiek, vind **Sondagmiddag 25 Oktober 2015 vanaf 15:00** in die gemeente se kerkgebou plaas. Koste is R70pp vir volwassenes en R30pp vir laerskoolkinders. Daar sal ‘n volle orkes onder leiding van die dirigent Richard Cock optree, met die kore, *Canto Amici* en Hoërskool Fichardtpark onder leiding van Joanita Erasmus-Alt, sowel as die kerkkoor van NG Ladybrand-Noord, onder leiding van Ansie Naudé. Die soliste by hierdie geleentheid is Ella Kotzé en Mario Lategan en voorlesings sal deur die bekende omroeper Christo Olivier gedoen word – klik [hier](#) vir die volledige program. Vir navrae, skakel vir Daleen Henning by 051 991 0408 (k/u Ma-Vr 08:00 – 13:00).



**NG VERKEERDEVLEI HOU ‘N PLAASBASAAR:** Op **Saterdag 31 Oktober 2015** vind hierdie geleentheid plaas op die **parkeerarea van die Game-sentrum te Fleurdal, Bloemfontein**. Gaan kuier gerus by hulle waar alles vanaf pannekoek, jaffels, lewerkoekies, basaarpoeding, vars plaashoenders en vele meer te koop aangebied sal word! Bestellings kan vooraf geplaas word vir lammers opgesaag en halwe lammers @ R60/kg, wors @ R55/kg en maalvleis @ R50/kg - beter kwaliteit sal jy nerens kry nie! Vir enige navrae, skakel vir Anso Steyn op 082 773 2612.



**NG GEMEENTE BEDELIA GHOLFDAG:** Klik [hier](#) vir 'n Gholff-borgvorm.

**U word hiermee vriendelik uitgenooi na die 4de Gholff Dag (ten bate van Kinderbediening "in skole")**

**Datum: 21 November 2015**  
**Plek: Oppenheimer Gholffbaan - 057 353 2131**  
**Koste: R150 per persoon - 4 Bal @ R600**  
**Afslaatye : 8:00 - 10:00**  
**11:00 - 12:00**

**Kontak: Christo Nel 072 990 5445**  
**Kobus Richter 082 805 6471**  
**Ds Philip Mc Laren 082 452 4569**

**NG Kerk Bedelia**  
**Oase Gemeente**  
**Christus ons Hoop**

**Pryse / Borg vir die Gholff Dag en Donasies aan die Kinderbediening sal waardeer word. (verwys na borgvorm aangeheg)**

**KERSMARK – LANGENHOVENPARK GEMEENTE:** Voornemende uitstallers moet asseblief hiervan kennis neem! Hierdie gemeente bied op 20 en 21 November 2015 'n Kersmark aan in hul Gemeentesentrum (oorkant die kerkgebou). Daar is 'n beperkte aantal stalletjies beskikbaar teen R300 per stalletjie vir die twee dae. Slegs handgemaakte Kersgeskenke kan verkoop word - geen stalletjies met voedsel sal toegelaat word nie, aangesien daar 'n teetuin gaan wees. Aansoekvorms is by die kerkkantoor beskikbaar - skakel 051 446 2225 (weekeksdae 08:00 – 14:00), of stuur 'n e-pos na [ngklhp@mweb.co.za](mailto:ngklhp@mweb.co.za). Aansoeke moet dié kantoor nie later as Vrydag 6 November bereik.



**2. UV - BEURSE VIR NAVORSINGSMEESTERGRADE EN DOKTORALE STUDIES IN 2016:** Alle navorsingsmeesters- en PhD-studente wat in 2016 registreer, sal finansiering ontvang om hulle klasgelde te dek. Suid-Afrikaanse en internasionale studente mag ook aansoek doen. Finansiering aan meesterstudente is vir twee jaar beskikbaar en vir voltydse en deeltydse PhD-studente, onderskeidelik vir drie en vier jaar. Hernuwing van finansiering sal van die vorige jaar se akademiese vordering afhang. Om te kwalifiseer, moet studente aan al die akademiese vereistes van die UV voldoen en voorlopige toelating tot 'n akademiese program hê. Vir meer inligting oor nagraadse studie in Teologie, kontak Lyzette Hoffman by [hoffmanl@ufs.ac.za](mailto:hoffmanl@ufs.ac.za)




**3. KOUGOMKAMP 2016:** Kan julle glo dit is alweer tyd om hierdie gewilde kamp vir eerstejaars wat in 2016 by 'n tersiëre instansie in Bloemfontein wil studeer, te adverteer! Dié kamp word deur die **NG Studentegemeente Bloemfontein** aangebied en dit sal vanaf 10 – 14 Januarie 2016 plaasvind. Klik [hier](#) vir 'n volledige inligtingsboekie wat ook die registrasie/vrywaringsvorm, lys van items wat jy moet saambring, ensovoorts, bevat.



Die reëlingskomitee van Kougom Eerstejaarskamp 2016 beloof 100% samewerking van hulle kant om hierdie 'n onvergeetlike ervaring vir elke eerstejaar te maak! **Skryf sommer nou in!**

**Gemeentes, bring asseblief hierdie inligting onder julle matrikulante se aandag!**

**4. JAARBOEK 2016 - BESTELVORM:** Gemeentes en ander belangstellendes kan nou reeds begin om bestellings by Bybel-Media te plaas vir Jaarboek 2016 wat gedurende Januarie 2016 sal verskyn, klik [hier](#) vir die bestelvorm. **BELANGRIK!** Geen bestellings word via die Sinodale kantore hanteer nie, gemeentes is self verantwoordelik om die nodige bestelling by Bybel-Media in te dien!



**5. PASTORALE BERADINGSKURSUS:** Prof Wentzel Coetzer bied weer binnekort die kursus, *Pa-wonde* en *Pa-honger*, in Potchefstroom aan. Dit vind op **Saterdag 7 November 2015** plaas, klik [hier](#) vir meer besonderhede.

**Vir alle inligting oor Shepherd-VBO kursusse, klik [hier](#).**

**6. BEROEPENUUS:** Ds Johan Bouwer van die NG Gemeente Kroonstad-Wes bereik binnekort sy amptelike aftree-ouderdom en sal einde Oktober 2015 demissie van die gemeente/kerkraad ontvang. *Ds Johan, Mag u elke dag die liefde en genade van God ervaar in hierdie nuwe fase van u lewe – dankie vir u diens aan God se kerk.*

## 7. VAKATURES:

- **ONTVANGSDAME & SKRIBA:** Die NG Gemeente Heuwelsig, Bloemfontein adverteer tans hierdie twee halfdagposte (Maandae - Vrydae 08:00 – 13:00). Die salarisskale is vanaf R5000 tot R8000 (onderhandelbaar) en datum van diensaanvaarding is 4 Januarie 2016. Applikante moet oor die nodige rekenaar-, administrasie- en kantoorbestuursvaardighede beskik. Die aanstellingskommittee sal voorkeur verleen aan lidmate van die NG Kerk en persone met kerkkantoorondervinding. Stuur 'n volledige CV met dekblad waarin aangedui word vir welke pos aansoek gedoen word, saam met 'n kort biografie van die applikant aan [admin@ngkerkheuwelsig.co.za](mailto:admin@ngkerkheuwelsig.co.za) - **sluitingsdatum vir aansoeke is Sondag 18 Oktober 2015.**
- **PROPONENTSPOS VIR JEUGBEDIENING:** Die NG Gemeente Stellenberg (Sinode Wes- en Suid-Kaapland) bied hierdie twee-jaar kontrakpos aan waarin 'n proponent die geleentheid kry om in jeugbediening te ontwikkel. Klik [hier](#) vir volledige besonderhede – **die sluitingsdatum vir aansoeke is Vrydag 30 Oktober 2015, met diensaanvaarding vanaf 1 Januarie 2016.**
- **MAATSKAPLIKE WERKERS (VOL- EN HALFDAG):** ENGO se Kinder- en Jeugsorgsentrus in Welkom beskik oor hierdie vakatures – klik [hier](#) vir meer inligting – **sluitingsdatum vir aansoeke is Vrydag 30 Oktober 2015.**
- **PSD: JEUG- EN FAMILIEBEDIENING:** Die Sinode van die NG Kerk in Suid-Afrika (Wes- en Suid-Kaapland), maak die vakature in die Diensgroep vir Gemeentebegleiding bekend. Klik [hier](#) vir volledige besonderhede – **aansoeke moet vóór Woensdag 18 November 2015 aangestuur word.**

**8. LYS VAN SENTRUMS VIR BEJAARDES IN VRYSTAAT:** Vir 'n handige lys van al ENGO se Sentrums vir Bejaardes in die Vrystaat, klik asseblief [hier](#). Kerkkantore en leraars behoort dit byderhand te hou, aangesien daar vermoedelik heelwat navrae hieroor ontvang word.



**9. NB! HERHALINGS VAN BERIGTE:** Kennisgewings en inligting wat in 'n vorige uitgawe van *Vrypos* verskyn het, word [hier](#) vir jou gerief herhaal.

**10. VERJAARSDAE:** Baie geluk aan die leraars wat gedurende die komende week, hul verjaarsdae vier – mag die nuwe lewensjaar vol vreugde, genade en liefde wees:



17 Oktober:

Ds Barry van Wyk - PARYS-WES - 056 811 4948, 078 593 4449, [blvanwyk@telkomsa.net](mailto:blvanwyk@telkomsa.net)

Ds Jacob Badenhorst - PARYS-SUID - 056 811 3201, 082 669 6707, [jacobbad@xsinet.co.za](mailto:jacobbad@xsinet.co.za)

18 Oktober:

Ds Johan Bouwer - KROONSTAD-WES - 056 212 6282, 074 582 5037, [jsbouwer@lantic.net](mailto:jsbouwer@lantic.net)

20 Oktober:

Dr Kobus Geysler - REITZ-WES - 058 863 1521, 084 503 5588, [geysie@lantic.net](mailto:geysie@lantic.net)

21 Oktober:

Ds Johan Orsmond - ODENDAALSRUS-OOS - 057 354 1982, 082 807 9587, [johanorsmond@xsinet.co.za](mailto:johanorsmond@xsinet.co.za)

**11. TEN SLOTTE:** ... en ook 'n wens vir al die boere wat smag na broodnodige reën!



Groetnis tot volgende keer.

### THEA BOSMAN

Samesteller/Redaksioneel: [kerkinfo@ngkvs.co.za](mailto:kerkinfo@ngkvs.co.za)

Kommunikasie - NG Kerk Vrystaat

Tel: 051 406 6719

Faks: 086 502 0821

INDIEN U OP **VRYPOS** WIL INTEKEN, CLIK [hier](#) (meld asseblief ook u gemeente/dorp)

**AS U VRYPOS WIL KANSELLEER**, CLIK [hier](#) (dit sal 'n fout wees!)

Gee gerus vir ons terugvoer oor *Vrypos* by [kerkinfo@ngkvs.co.za](mailto:kerkinfo@ngkvs.co.za) – stuur ook enige nuusgebeure, inligting na hierdie adres.

NG KERK VRYSTAAT WEBBLAD: <http://www.ngkerkvrystaat.co.za/>

NG KERK VRYSTAAT FACEBOOK: 

**VRYWARING / DISCLAIMER** – Klik [hier](#)

### PASTORALE BERADINGSKURSUS - PA-WONDE EN PA-HONGER:

Oral waar ons rondom ons kyk (en ook in onself), sien ons 'Pa-wonde' en 'Pa-honger'. Pyn vanuit die verlede met betrekking tot ons verhoudings tot ons vaders is dikwels die oorsaak dat talle Christene worstel met 'n verdraaide Godsbeeld en dit gevolglik baie moeilik vind om God die Vader intiem en naby te ervaar. Om 'n gesonde beeld van Hom te kan ervaar, sal ons dus eers ontslae moet raak van al die gebroke 'vader-filters' wat meeste van ons met ons saamedra het die volwasse lewe in. In hierdie kursus fokus ons op hierdie tema onder andere vanuit die volgende perspektiewe:

- Die deurslaggewende rol van die Pa
- Geestelike en emosionele vaderskap
- Die belangrikheid van insig ten opsigte van jou Pa se verhaal (jou Pa is 'in jou')
- Emosionele vrylating uit tronke
- Om jou vadersverhouding te herbou
- Die Pa wat jy altyd graag wou gehad het

**Plek:** Studente Hervormde Kerk – Silwerstraat 19, Potchefstroom (net langs klein kragstasie)

**Datum:** Saterdag 7 Nov 2015

**Tyd:** 08:00 – 13:00

**GPS koördinate:** Suid: 26.41.590 - Oos: 27.5.079

**Koste:** R250 pp (egpare: R350)

**Handleiding te koop (opsioneel):** R160 (posgeld: R40 ekstra)

**VBO punte vir leraars:** 5 punte

**Om te bespreek:** U moet vooraf die nodige fooie inbetaal by:

ABSA spaarrekening: 9061802135

Takkode: 335138

Reknaam: SE Coetzer (bevestig dan asseblief daarna per e-pos)

**Navrae:** 083 660 0409 / 082 577 8810 / 018 2947457 (h) of e-pos [wentzel7@mweb.co.za](mailto:wentzel7@mweb.co.za)

### [TERUG NA INHOUD](#)

## VAKATURE - PROPONENTSPOS VIR JEUGBEDIENING, NG STELLENBERG:

**Gemeenteprofiel:** Stellenberggemeente is 'n makrogemeente in die Noordelike voorstede van Kaapstad met ongeveer 4250 belydende lidmate. Die jeugbediening bestaan uit ongeveer 1150 lidmate en die naskoolse en jongwerkende lidmate is 750.

**Posbeskrywing:** Dit is 'n twee-jaar kontrakpos waarin 'n proponent geleentheid kry om in jeugbediening te ontwikkel. Die suksesvolle kandidaat moet oor die volgende vaardighede beskik: goeie prediking, geestelike leiding aan jongmense kan bied, organisasievermoë, asook oor 'n passie vir tieners en naskoolse jongmense beskik. Aansoekers moet dinamies wees, eie inisiatief kan neem en binne spanverband kan saamwerk onder leiding van die jeugleeraar. Toepaslike ervaring sal in jou guns tel.

**Aansoeke en navrae:** Stuur 'n volledige CV met motivering en verwysings aan Sunet Opperman by [sunet@stellenberg.co.za](mailto:sunet@stellenberg.co.za)

Rig navrae aan ds Anriette de Ridder (Jeugleeraar) @ [anriette@stellenberg.co.za](mailto:anriette@stellenberg.co.za), of skakel 021 976 4519

**Sluitingsdatum vir aansoeke:** **Vrydag 30 Oktober 2015**

**Diensaanvaarding:** 1 Januarie 2016

**Vergoeding:** Vergoedingspakket is onderhandelbaar.

## TERUG NA INHOUD

## VAKATURES - MAATSKAPLIKE WERKERS (VOL- EN HALFDAG), ENGO KINDER & JEUGSORGSENTRUMS WELKOM:



**Posvereistes:**

1. Graad in Maatskaplike Werk
2. Geregistreer by die SA Raad vir Maatskaplike Diens Professies
3. Rybewys
4. Afrikaans & Engels magtig, Sotho sal 'n voordeel wees

**Voordele:**

1. Salaris onderhandelbaar
2. 13de Tjek
3. Pensioenfonds
4. Verlof

**Sluitingsdatum:** **Vrydag 30 Oktober 2015**

**Faks CV's aan:** 057 352 9782

**E-pos aan:** [christa@vionskinders.org.za](mailto:christa@vionskinders.org.za)

**Navrae:** Christa Maree tel 057 352 9782

*Die werkgewer behou die reg om nie die vakature te vul nie.*

## TERUG NA INHOUD

### HERHALINGS:

#### INHOUD:

#### 1. WERKSWINKELS & KURSUS:

**SHEPHERD VBO-WERKSWINKELS:** Klik [hier](#) vir meer inligting oor werkswinkels van gedurende Oktober en November 2015 aangebied word.

**KURSUS VIR LIDMAATBEMAGTIGING:** Hierdie kursus deur Arbinger: *Core at Work – We Change Mindset*, word by die **NG Gemeenste Senekal** aangebied op die volgende dae, **13 & 14 November, of 20 & 21 November, of 27 & 28 November 2015 vanaf 08:00 tot 17:00** (daaglik). Koste is R1500pp (sluit in aanbieding, kursusmateriaal en etes), verblyf uitgesluit. **Daar is slegs 20 plekke per kursus beskikbaar, u bespreekte plek word verseker sodra die volle bedrag inbetaal is.**

**Betalingsbesonderhede:**

**Rekeningnaam:** NG Kerk Senekal

**Bank:** ABSA

**Rek nr:** 124 014 5010 (lopende)

**Takkode:** 632 005

**Verwysing:** Datum van kursus wat u gaan bywoon

**Stuur bewys van betaling saam met u naam, u gemeentenaam, sowel as volledige kontakbesonderhede** aan ds Theo Oosthuizen by [theo.explode@gmail.com](mailto:theo.explode@gmail.com) – u sal 'n e-pos ter bevestiging ontvang (navrae 082 388 5002).

Klik [hier](#) vir 'n dokument wat meer inligting oor hierdie kursus bied (*Annexure A and B*), of gaan klik op die volgende *video-clip* wat by 'n vorige konferensie opgeneem is, <https://www.youtube.com/watch?v=YyhOT3jCcR4>

## [TERUG NA INHOUD](#)

### **SHEPHERD VBO-WERKSWINKELS:**

#### **MENSE (ONS/EK) EN WAAR PAS EK (ONS/MENSE) IN, IN GOD SE STORIE?:**

**Aanbieder:** Ds Gys van Schoor is predikant by Durbanville Moedergemeente. Hy is die inisiatief agter Die Sentrum vir Geloofsvorming wat landswyd die geloofsvormingsreis vir predikante begelei. Hy's ook die skrywer van die reeks wat gemeentes help op die pad van Geloofsvorming.

**Datum:** 19 - 20 Oktober 2015

**Tye:** Maandag 09:00 - 17:00 (middagete ingesluit); Dinsdag 09:00 - 13:00

**Plek:** UV, Teologie Gebou, K21 – Bloemfontein

**VBO-punte:** 20

**Koste:** R900.00

**Registreer:** SMS D25150, naam en e-posadres na 31029



#### **GEBOU OM TE HOU: BLOK 2 EMOSIONELE INTELLIGENSIE (EI) VIR EFFEKTIEWE BEDIENINGSGROEI/ONTWIKKELING:** Die werksinkels is oop vir alle leraars, eggenotes, gemeentelid, sielkundiges, maatskaplike werkers en belangstellendes!

**Aanbieders:** Drs Annette Prins & Annette Weyers

**Datum:** 2 - 4 November 2015

**Tye:** Dag 1: 13:00 - 16:00, Dag 2: 08:30 - 16:00, Dag 3: 08:30 - 13:00

**Plek:** Teologiese Fakulteit, Kamer 120, UV - Bloemfontein

**VBO-Punte:** 20 per blok

**Koste:** R1 400.00

**Registrasieproses:** SMS D25150, naam en e-posadres na 31029. Vroeë registrasies ontvang 10% afslag indien u 'n maand vooruit betaal. **LW:** Aanbieding onderhewig aan getalle.

#### **ROEPING GEROEP VIR BEDIENING – EN HOE DIE BEDIENING VANDAG BEHOORT TE LYK** (Module 5, net soos Module 4, is oop vir almal wat belangstel):

**Datum:** 16 - 17 November 2015

**Tye:** Maandag en Dinsdag 09:00 – 16:00

**Aanbieder:** Dr Gerhard Botha

**Plek:** UV, Teologie Gebou, K21 – Bloemfontein

**VBO-punte:** 20

## [TERUG NA INHOUD](#)

